

## **Inatsisinik malitsitsinissamut ataatsimiitsitaliap suleriaasissaa**

### **1. Siunertaq**

Inatsisinik malitsitsinissamut ataatsimiititaliaq (maannamiit allaqqasassaaq "ataatsimiititaliaq") siulersuisut sinnerlugit sulissaaq aammalu suliffeqarfimmi inatsisinut nalunaarsuiner Mullu tunngasunik piunasaqaatinik kiisalu suliffeqarfiup iluani suliffeqarfiup inatsisinik malitsitsinissaanut (corporate compliance), najoqqutassanik malitsitsisoqarnissaanik siulersuisut nakkutiginninnerannut ikiutissalluni.

Ingerlatseqatigiiffiup pisortaqaatigiivisa siulersuisuisaluunniit ingerlatseqatigiiffimmut inatsimmut, ukiumoortumik missingersuutitut inatsimmut aamma/imaluunniit inatsisinut attuumassutilinnut allanut akisussaaffigisai ataatsimiititaliap akisussaaffiginngilai.

Ataatsimiititaliaq siulersuisut ataanni inissisimavoq. Ataatsimiititaliaq ataatsimeereeraangami pingaarutillit pillugit siulersuisunut nalunaarusiortassaaq. Ataatsimiititaliaq namminersuussilluni aalajangiisinnaatitaanngilaq, taamaallaat siulersuisunut innersuussat tunngavigalugit aalajangiisinnaavoq.

### **2. Katitigaaneq**

Siulersuisunik toqqaareernerup kingorna siulersuisut ataatsimiinnerminni siullermi ataatsimiititaliamik pilersitsissapput. Taanna ukioq ataaseq atuutissaaq. Toqqagaaqqittoqarsinnaavoq.

Ataatsimiititaliami inuit marluk imaluunniit pingasut siulersuisunit toqqarneqassapput siulersuisunilu ilaasortaassallutik. Minnerpaamik ilaasortaq ataaseq inatsisinik malitsitsinissamut (compliance) suliffeqarfimmilu pitsaasumik aqutsinermut immikkut piginnaasaqartuussaaq. Siulersuisuusut ilaasortat kikkussaneri toqqassavaat. Ataatsimiititaliami ilaasortat tamarmik ataatsimut isigalugit ingerlatseqatigiiffiup suliassaqrifiinut attuumassutilimmik piginnaasaqassapput.

Ataatsimiititaliami siulittaasoq siulersuisunit toqqarneqassaaq. Siulersuisut siulittaasuat ataatsimiititaliami siulersuisutut toqqagaasinnaanngilaq. Ataatsimiititaliami ilaasortanik akissarsititsisarneq Naalackersuisut akissarsiaqartitsisarneq pillugu politikkiat malillugu pisassaaq.

Suliffeqarfimmi inatsisinik malitsitsinissamut nakkutilliisua (Chief Compliance Officer) ataatsimiititaliap ataatsimiinnerini tamatigut peqataasassaaq. Pisortaaneq peqataarusukkaangami peqataasassaaq.

Ataatsimiititaliap nammineerluni sulieriusissani suliarissavaa taannalu siulersuisunit akuerineqassaaq.

### **3. Ataatsimiinnerit**

Ataatsimiititaliami siulittaasup imaluunniit ilaasortat allat pisariaqartitsinerat apeqqutaatillugu ataatsimiittoqartassaaq. Ataatsimiititaliap ukiumut pilersaarutaa naapertorlugu ukiumut sisamariarluni ataatsimiittarnissaaq aallaaviussaaq. Kukkunersiuisup attuumassuteqanngitsup pisariaqartitsineq naapertorlugu ataatsimiititaliaq ataatsimeeqatigiumasinnaavaa.

Ataatsimiititaliap pisariaqartitsineq naapertorlugu uku ataatsimeeqatigiumasinnaavai: suliffeqarfiup inatsisinik malitsitsinissamut nakkutilliisua (Chief Compliance Officer), qullersaqarfimmiut arlaat imaluunniit aningaasaqarnermut, naatsorsuutitut, nakkutilliinermut, inatsisinik malitsitsinissamut, IT-mut, sulisoqarnermut aqutsisoqarnermut kiisalu ajutoorfiusinnaasunut aqutsinermut tunngatillugu immikkoortortaqaqfinni inuit pingaarutillit arlaat.

Ullormut oqaluuserisassat suliffeqarfiup ukiumut pilersaarutaa ataatsimiititaliallu suliassai naapertorlugit suliarineqartassapput. Ilaasortat tamarmik ullormut oqaluuserisassanut siunnersuuteqarsinnaapput.

Ataatsimiititaliaq ingerlanneqarsinnaavoq ataatsimiititaliaq tamakkersimatillugu. Ataatsimiinnermut takkussinnaanngikkaanni tamanna siulittaasumut nalunaarutigineqassaaq.

Siulittaasup ataatsimiititaliap ataatsimiinnera siulersussavaa. Ataatsimiititaliaq siulersuisunut innersuussat tunngavigalugit aalajangiisassaaq. Isumaqaatigiinngittoqartillugu ataatsimiititaliami ilaasortat tamarmik immikkut isumaat siulersuisunut tamanut saqqummiunneqartassapput.

Ataatsimiinnermi pappiaqqat atugassat, allatut isumaqaatigiissuteqartoqarsimatinnagu, ataatsimiinnissamut ullut suliffiusut pingasut sioqqullugit nassiunneqareersimasassapput.

Suliffeqarfiup inatsisinik malitsitsinissamut nakkutilliisua (Chief Compliance Officer) ataatsimiinnerni imaqarniliortuusassaaq. Imaqarniliaq ataatsimiititaliami ilaasortanit akuersissutigineqareeraangat siulersuisunut, qullersaqarfimmut aammalu kukkunersiuisumut attuumassuteqanngitsumut ingerlateqqinneqartassaaq.

Imaqarniliat immikkut nalunaarlugit ataatsimiititaliamut ilanngunneqartassapput. Imaqarniliat tulleriinneri malillugit normulersugaassapput quppernilersugaallutillu. Imaqarniliat ataatsimiititaliami ilaasortanit qarasaasiakkut akuerineqartassapput.

### **4. Suliassat sammisallu**

Ataatsimiititaliaq suliassaminut pilersaarusiussaaq. Ataatsimiititaliamut ilaasortassanik toqqaasoqareernerani ataatsimiinnermi siullermi suliassanut pilersaarut inissinneqassaaq ukiorlu ataaseq atuutissalluni. Ukiup ingerlanerani pisariaqartitsineq apeqqutaatillugu nutarterneqartarsinnaasassaaq.

Ataatsimiititaliap pingaarnertut suliassai:

Inatsisitigut nalunaarusiortarnissamullu tunngatillugu piumasaaqatit kiisalu suliffeqarfiup iluani najoqqutassiat (suliffeqarfimmi inatsisinik malitsitsineq):

1. Ingerlatseqatigiiffiup inatsisinik malitsitsinissamut suliassaqarfiani suliassat nassuiarneqarsimanissaannik qulakkeerinnineq.
2. Suliffeqarfiup **inatsisinik malitsitsinissamut iliuusissaata** (compliance program) ineriartortinneqarnissaanik atuutsinneqarnissaanillu qulakkeerinnineq. Ataatsimiititaliap qulakkiigassaraa inatsisinik malitsitsinissamut iliuusissaq – piareeruni – minnerpaamik ukuningga imaqaarnissaa:
  - a) Qanoq pissuseqarneq pillugu malitassat (code of conduct) kiisalu politikkit suleriusissallu suliffeqarfiup inatsisinik malitsitsinissamut pisussaaffiik pitsaasumik sunniuteqartussat.
  - b) Inatsisinik malitsitsinissamut nakkutilliisussamik (Chief Compliance Officer) siulersuisut nakkutilliinerisa ataani inissimasussamik, ulluinnarni ataatsimiinnerni pilersaarutaasuni pisortaanermut ataatsimiititaliamullu nalunaarusiortartussamik, kiisalu ingerlatseqatigiiffiup inatsisinik malitsitsinissaanut tunngatillugu nakkutiginninnermut, ineriartortitsinissamut, ingerlatsinermullu akisussaasumik toqqaaneq.
  - c) Suliffeqarfimmi sulisunut aqutsisunullu susassaqartunut tamanut akuttoqatigiissumik sunniuteqarluartumillu inatsisinik malitsitsinissamut sungiusaaneq ilinniartitsinerlu.
  - d) Inatsisinik malitsitsineq tamakkiisumik pisamngitsoq paasineqassagaluarpat paasissutissanilluunniit naqqiissuteqartoqassagaluarpat tamatuma qanoq siulersuisunut nalunaarusiorfigineqarnissaa pillugu malitassaliorneq.
3. Ingerlatseqatigiiffiup inatsisinik malitsitsinissamut iliuusissaanik ingerlaavartumik nalilersuineq, matuma ataani pisariaqassappat iliuusissamut tunngatillugu aaqqiineq.
4. Ingerlatseqatigiiffiup inatsisinik malitsitsinissamut iliuusissaata attanneqarnissaanut suut pisariaqartinneqarnerinik ingerlaavartumik nalilersuineq.

## 5. Oqartussat piginnaatitsissutillu

Ataatsimiititaliap suliassani naammassiniarlugit pisariaqartitsinini naapertorlugu avataaniit siunnersorneqarnissamut ikiorneqarnissamullu pisinnaatitaavoq. Aningaasanut

isumalluuteqarnermullu qulakkeerinninnissamut tunngatillugu ingerlatseqatigiiffiup qullersaqarfia qanimut isumaqatigiissuteqarfigineqassaaq.

Taamatutaaq ataatsimiititaliaq ingerlatseqatigiiffiup iluani paasissutissat pisariaqartut tamaasa pissarsiarinissaannut pisinnaatitaavoq. Tassunga ilaapput aningaasanik aqutsinermut, naatsorsuutitut, aningaasaqarnermut, nakkutilliinermut, inatsisinik malitsitsinermut, IT-mut, sulisoqarnermut aqutsisoqarnermut, ajutoorfiusinnaasunik aqutsinermut immikkoortortaqaqfinni inunnik pingaaruteqartunik immikkut ataatsimeeqateqarsinnaaneq, ilanngullugu ataatsimiititaliaq imaluunniit pineqartut naliliineri naapertorlugit sammisamut tunngatillugu eqqartuinissamut – matumani ataatsimiititaliaq suleriesiani ataatsimiititaliaq akisussaaffeqarfigisaasanut attuumassuteqartuni – inuit pisariaqartut ataatsimeeqatigisinnaanissaannut ataatsimiititaliaq pisinnaatitaavoq.

## **6. Naliliineq**

Ataatsimiititaliaq ukiumut ataasiarluni ataatsimiititaliaq siunertaa, pisussaaffii aammalu akisussaaffii, kiisalu ataatsimiititaliaq pillugu siulersuisut najoqqutassiaanni allassimasut naammassisimanerlugit imminut naliliiffigisassaaq.

## **7. Nalileeqqinneq**

Ataatsimiititaliaq pisariaqartitsineq naapertorlugu ukiumut minnerpaamik ataasiarluni suleriaasissaq una nalilersoqqittassavaa allannguuteqartoqassappallu siulersuisut allannguutinik akuersitinneqassallutik.

Suleriaasissaq una ingerlatseqatigiiffiup nittartagaatigut tamanut saqqummiunneqassaaq.

*Siulersuisunit akuerineqarpoq, decembarip 7-ianni 2022.*